



Sesida dals

9 da favrer 2021

Communitgà ils

10 da favrer 2021

Protocol nr.

120/2021

Incumbensa da la fracziun da la PBD

concernent il stop da stgaffir plazzas

Resposta da la Regenza

Dapi il plan da finanzas per ils onns 1990–1992 fixescha il Cussegl grond periodica-
main valurs directivas da la politica da finanzas per la proxima perioda da planisa-
ziun. Quest instrument directiv è sa cumprovà en plirs regards. Las valurs directivas
èn accordadas ina cun l'autra e garanteschon – sche las prescripziuns vegnan ob-
servadas consequentamain – che las finanzas publicas restian en equilibr e che la
quota statale chantunala na s'augmenta betg a lunga vista. Dapi l'onn 2013 vegnan
las novas plazzas ch'èn admessas, limitadas tras prescripziuns areguard l'augment
dals imports. Tenor la valur directiva da la politica da finanzas nr. 6 dastga la summa
totala dals salaris che ston vegnir finanziads dal chantun s'augmentar en media
effectivamain per maximalmain 1 % per onn. Questa valur directiva correspunda a la
valur directiva nr. 3, tenor la quala las expensas chantunales totalas dastgan mede-
mamain s'augmentar effectivamain per maximalmain 1 %. Uschia duai vegnir stabi-
lisada la quota statale. Las medemas restricziuns areguard l'augment valan perquai
er per il personal da l'administraziun chantunala.

Ils custs totals da personal importan cun var 400 milliuns francs stgars 16 pertschient
da las expensas chantunales totalas. Questa quota è fitg bassa ed importa main che
la mesadad da la media interchantunala da passa 33 pertschient. Il personal chan-
tunal n'è pia betg in chaschunader da custs problematic e vegn limità dal Cussegl
grond cun cleras prescripziuns da credit.

Durant ils onns 2016 fin 2020 è vegnidas stgaffidas dal Cussegl grond respectiva-
main da la Regenza totalmain var 340 plazzas a temp cumplain (FTE) ed uschia
extraordinariamain bleras novas plazzas. Quasi trais quarts da questas plazzas ser-
van ad ademplir novas incumbensas per la Confederaziun, per auters chantuns, per
ils anteriurs districts u per vischnancas grischunas. Questas plazzas na chaschunan
betg custs supplementars. Ellas n'engrevgeschan perquai betg las finanzas publicas
ed èn exceptadas da la valur directiva nr. 6. Da quest dumber da plazzas pertutgan
tut en tut 243 plazzas FTE las suandantas 9 autoritads u ils suandants 9 uffizis:

- Uffizi per l'execuziun giudiziala per occupar il stabiliment giudizial Cazas Tignez cun brutto
110 FTE
- constituziun da las 11 dretgiras regionalas or da las dretgiras districtualas cun 54 FTE
- Uffizi da migraziun e da dretg civil per il sector d'asil e da fugitivs cun 30 FTE
- Administraziun da taglia per il Center da scan e per incassar taglias per las vischnancas
cun 10 FTE
- Uffizi da sanadad per surpigliar la Centrala dal clom d'agid sanitar 144 e per la promoziun
da la sanadad cun 10 FTE

- Uffizi dal servetsch social per ils servetschs socials regionalis en ils secturs da la cussegliaziun sociala sco er da la promoziun d'uffants e da giuvenils cun 9 FTE
- Uffizi per industria, mastergn e lavur per exequir la Lescha davart l'assicuranza cunter la dischoccupaziun e per l'Inspecturat da lavur cun 8 FTE
- Polizia chantunala per il Center da controlla per il traffic pesant Mesolcina cun 6 FTE
- Uffizi per la segirezza da victualias e per la sanadad d'animals per incumbensas d'execuziun dal chantun Glaruna cun 6 FTE

Sco che quai è vegnì explitgà en l'incumbensa è vegnidas stgaffidas durant ils onns 2016 fin 2020 tut en tut 90 plazzas FTE ch'èn relevantas per la valor directiva. Quai correspunda ad en media 18 plazzas per onn cun ina summa dals salaris dad en media 1,77 milliuns francs. Quest augment importa en media 0,6 % da la summa totala dals salaris per onn ed è pia cleramain pli bass che 1 %. L'augment admissibel da la summa dals salaris da maximalmain 1 % sto numnadamain cuntegnair er ils meds finansials per ils augments individuals dal salari e per las transfurmaziuns da plazzas. Er en la cumparegliaziun interchantunala è la prescripziun fitg restrictiva. Ella permetta da stgaffir mo las plazzas las pli necessarias. L'administraziun chantunala absolve mintga onn in process sever per stgaffir plazzas. Ina part considerabla da las resursas da personal ch'i dovra supplementarmain sto mintgamai vegnir stgaffida cun transfurmaziuns u cun transferiments da plazzas. Pussaivladads da distgargia per l'administraziun ston vegnir nizzegiadas consequentamain; quai vala en spezial en connex cun la digitalisaziun dals process. Novas plazzas vegnan stgaffidas mo, sch'i n'èn betg pli pussaivlas ulteriuras raziunalisaziuns e transfurmaziuns da plazzas entaifer l'administraziun.

L'augment da plazzas relevant per la valor directiva e per las finanzas publicas importa mo bundant la mesadad da la creschientscha economica efectiva e da l'augment da las expensas chantunalas totalas per onn sco er da numerus indicaturs da prestaziun da l'administraziun chantunala. Da resguardar èsi er che la gronda part da las plazzas è vegnida stgaffida en las regions. E la gronda part da las plazzas ch'èn vegnidas stgaffidas en il rom dals puncts centralis da svilup, èn projects persistents cun in basegn da personal a lunga vista. In stop cumplet da stgaffir plazzas fiss in dir contrast cun las pretensiuns che s'augmentan permanentamain per ademplir las incumbensas. Uschia vegniss sutminada facticamain er la valor directiva da la politica da finanzas nr. 6. Ultra da quai sto il Cussegl grond mantegnair la pussaivladad da permetter excepziuns. Restar duai er la pussaivladad da surpigliar incumbensas supplementaras da la Confederaziun, d'auters chantuns e da vischnancas, sch'ils custs èn cuvrids.

Sa basond sin questas explicaziuns propona la Regenza al Cussegl grond da refusar questa incumbensa.



En num da la Regenza

Il president:

Dr. Mario Cavigelli

Il chancelier:

Daniel Spadin